

DEDICATIO.

summam eruditionis laudem & vini sunt adepti, nec amiserunt defuncti, quot Regum, Principum heroumque familia; quot respublicæ eam sunt amplexæ? Nec ferè gens in uniuersa nobilitate est, quæ non aliquid chymicæ scientiæ foueat, certisque preciosarum operationum formulis tanquam patrio gaudeat thesauro. Patet itaque longè lateque huius artis honor & amplitudo. Inueniuntur quidem in physicorum medicorumque ordine aliqui solertiæ tenuioris, qui quod ipsi ob imbecillitatem aut fortunam suam nequeunt assequi, cum vulgo non erubescant imperito calculo condemnare. Sed tangit eos grauissimum Iacobi Syluii Ambiani philosophi, medici & chymici summi iudicium, quo inter Idiotas & receptarum compilatores habentur, utpote quibus aliquid egregii sapere sit denegatum. Occurrunt etiam passim ex vesani Paracelsi fauilla enati stelliones, & scarabæi, qui cum insanis auri pollicitationibus in aulas Principum & magnatum sese ingerunt, & dum deprehenduntur vanissimi mendacissimique aliquid labis verissimæ castissimæque arti videntur inurere. Vnde & in patib-